



Funda ngeenrhwarhwa



Evah Tukisi



Iinrhwarhwa zihlala etatawini nangemanzini.

Iinrhwarhwa zibekela amaqanda wazo ngesikhathi sezulu.





Isirhwarhwa sibekela amaqanda waso ngemanzini ahlanzekileko. Amanzi lawo aneentjalo begodu awatjhingeli khulu.



Ilanga lifuthumeza amaqanda.






Amaqanda anamathela eentjalweni, ematjeni neenzibini zangemanzini.



Ilanga lifuthumeza amaqanda.





Ngemva kweemveke ezintathu, amaqanda athoma ukuphandlesa.



Abentwana besirhwarhwa baphandle
baphume ngemaqandeni. Banomsila omude.
Basebenzisa iimbotjana ukuphefumula.





Abentwana beenrhwarhwa bahlala
ngemanzini kwaphela. Basebenzisa imisila
yabo ukududa.



Umntwana wesirhwarhwa uyakhula bese uthoma ukufunana nokudla.





Ngemva kweemveke ezine, umntwana wesirhwarhwa umila amazinyo. Uthoma ukudla iinunwana ezincani.



Ngemva kweemveke ezibunane, umntwana wesirhwarhwa uthoma ukumila imilenze yangemuva. Namaphaphu athoma ukukhula.





Emvekeni ezilisumi nambili sibanemilenze emine. Gadesi ubizwa ngesirhwarhwana. Umsila uba mfitjhani ngokukhamba swesikhathi.



Isirhwarhwana kwanje sihlala ngemanzini
netatawini. Umsila waso sele unyamalele.
Sisebenzisa amaphaphu ukuphefumula.





Isirhwarhwa esincani siragela phambili
ngokukhula. Imilenze yangemuva iyakhula
begodu iqine.

Ngemva kweemveke eziyesumi
nesithandathu, isirhwarhwa sele sikhule
ngokupheleleko.



Isirhwarhwa sidla iimpukani nezinye
iinunwana ezincani.

Sizithiya ngelimu laso elide nelinamathelako.





Isirhwarhwa esikhulu siyakwazi ukuvuma.
Sikwazi nokweqa ematjeni.



“Rhwa, rhwa, rhwa,” kuvuma isirhwarhwa.





Iirhwarhwa zinekghono lokuzifihla
ngokufana nalokho okuzibhodileko.

Ungakwazi ukuthola isirhwarhwa esithombeni
ngasinge sezintathu lezi?



Ngokuzako nawubona umntwana
wesirhwarhwa nofana isirhwarhwa, tjhejisisa
kuhle. Linga ukukhumbula koke okufundileko!

